

**REGIONAL NEWS UNIT  
ALL INDIA RADIO, AGARTALA  
Date: 25-09-2017  
Time: 07:35-07:40 PM Hrs  
BENGALI MORNING BULLETIN**

---

**শারদীয়া দুর্গোৎসব:**

আজ শারদীয়া দুর্গে ১৭সবের পঞ্চমী তিথি। আজই আগরতলার বড় বাজেটের বহু পুজো মন্ডপের আনুষ্ঠানিক উদ্বোধন হবে। এই উপলক্ষ্যে নানা সামাজিক কর্ম কাল্ডেরও আয়োজন করা হয়েছে। দুস্থদের মধ্যে নতুন নবস্ত্র বিতরণ, ফলমিষ্টি বিতরণ, রক্তদান শিবির ইত্যাদির আয়োজন করা হয়েছে। আগরতলা শহরে ইতিমধ্যেই যে কয়টি পুজার মন্ডপের উদ্বোধন হয়েছে সেই সমস্ত মন্ডপে গতকাল রাতে দর্শনার্থীদের ভিড় লক্ষ্য করা গেছে। পুজার বাজারে কেনাকাটা করতে আগরতলার বিভিন্ন দোকান, শপিংমল, শোরুমে ভিড় ছিল অনেক রাত পর্যন্ত। বারোয়ারি পুজা ছাড়াও আগরতলার দুর্গবাড়ি, প্রভুবাড়ির মতো প্রাচীন ও ঐতিহ্যমন্ডিত পুজাগুলোও যথারীতি আয়োজন করা হয়েছে।

00000000000

### নেট সার্কিং:

প্রায় পাঁচদিন রাজ্যে মোবাইল ফোনে নেট সার্কিং বন্ধ থাকার পর গত রাত থেকে পুনরায় চালু হয়েছে। বি.এস.এন.এল-এর এক আধিকারিক আজ সকালে এই খবর জানিয়েছেন। নিরাপত্তার কারণে ও যেকোন রকম উত্তেজনাপূর্ণ গুজব এড়াতে গত ২০শে সেপ্টেম্বর থেকে রাজ্যে সব কয়টি মোবাইল কোম্পানির নেট সার্কিং পরিষেবা বন্ধ রাখা হয়েছিল।

00000000000

### উদ্বোধন :

পর্যটন মন্ত্রী রতন ভৌমিক গতকাল অমরপুরে রাঙামাটিতে গোমতী নদীর উপর নবনির্মিত পাকা সেতুর উদ্বোধন করেন। সেতুটি তৈরিতে ৯ কোটি ৩৫ লক্ষ ৭৫ হাজার টাকা ব্যয় হয়েছে। এই সেতুটি নির্মাণ করায়, খোয়াই জেলার সাথে গোমতী জেলার যোগাযোগ ব্যবস্থা আরো উন্নত হল। রাঙামাটি এলাকার নবনির্মিত এই

সেতু র উদ্বোধনী অনুষ্ঠানে অন্যান্যদের মধ্যে বক্তব্য রাখেন, বিধায়ক পরিমল দেবনাথ, প্রকৌশলী বিজন দেববর্ম ৷, অজিত চন্দ্র লোধ প্রমু থ।

0000000000

### মুখ্যমন্ত্রী :

পেশাগত দায়িত্ব পালন করতে গিয়ে মান্দাইয়ে সাংবাদিক শান্তনু ভৌমিকের হত্যাকাণ্ডের পরিপ্রেক্ষিতে তদন্তক্রমে দ্রুত বিচারের ব্যবস্থা করতে আগরতলা প্রেস ক্লাবের পরিচালন কমিটির পক্ষ থেকে মুখ্যমন্ত্রীর কাছে দাবি জানানো হয়েছে। গতকাল সকালে আগরতলা প্রেস ক্লাবের পরিচালন কমিটির সদস্যবৃন্দ মুখ্যমন্ত্রীর সরকারী বাসভবনে মুখ্যমন্ত্রী মানিক সরকারের সঙ্গে দেখা করেন। তাঁরা দাবি করেন, শান্তনু ভৌমিকের হত্যাকাণ্ডের পরিপ্রেক্ষিতে একটি বিশেষ তদন্তকারী দল বা 'সিট' গঠন করে তদন্তের ব্যবস্থা করতে এবং 'ফাস্ট ট্র্যাক কোর্টে' দ্রুত বিচারের জন্য যেন রাজ্য সরকার উদ্যোগ গ্রহণ করে। সাংবাদিক শান্তনু ভৌমিকের দুঃখজনক তুম্যতে গভীর শোক প্রকাশ করে মুখ্যমন্ত্রী বলেন, এই ঘটনার তদন্তের জন্য সিট গঠনের বিষয়ে তিনি প্রশাসনিক স্তরে আলোচনা করবেন বলে জানান।

00000000000

### **কংগ্রেস :**

ত্রিপুরা হাইকোর্টে রকম রত এক জন বিচারপতিকে দিয়ে সাংবাদিক শান্তনু ভৌমিকের হত্যার তদন্তে কমিশন গঠনের দাবী জানিয়েছে প্রদেশ কংগ্রেস। গতকাল এক সাংবাদিক সম্মেলনে বিধায়ক গোপাল চন্দ্র রায় এই দাবী জানিয়েছেন। রাজ্যের সাংবাদিকদের নিরাপত্তা প্রদানের জন্য তিনি দাবী জানিয়েছেন। সাংবাদিক সম্মেলনে প্রদেশ কংগ্রেসের সহ সভাপতি পিয়ু ষ কান্তি বিশ্বাসও বক্তব্য রাখেন।

00000000000

### **ব্যাক্স-পরিষেবা:**

বর্তমান ব্যাক্সিং পরিষেবা নিয়ে জনগনকে অবহিত করতে আজাদ হিন্দ সমিতি নামে একটি সংস্থার উদ্যোগে আজ বিকেলে আগরতলা প্রেসক্লাবে এক আলোচনাচক্রের আয়োজন করা হয়েছে। আমার একাউন্ট, আমার ব্যাক্স শীর্ষক এই আলোচনাচক্রে ডেড ইউনিয়ন নেতা, ব্যাক্স

কর্ম কর্তা । মানবাধিকারকর্মী, সমবায় সংস্থার কর্ম কর্তা । ও  
ত্রিপুরা সিটিজেন ফোরামের প্রতিনিধিরা অংশ নেবেন।

00000000000

### প্রধানমন্ত্রী :

প্রধানমন্ত্রী নরেন্দ্র মোদী বলেছেন, দেশের আপামর জনসাধারণ স্বচ্ছতা অভিযানে অংশগ্রহণ করায়, এটি গণ আন্দোলনের রূপ নিয়েছে। গতকাল আকাশবাণী থেকে প্রচারিত ৩৬-তম ‘মন কি বাত’ অনুষ্ঠানে প্রধানমন্ত্রী স্বচ্ছতা অভিযানের সাফল্যের চিত্র তুলে ধরে বলেন, ‘স্বচ্ছতা হি সেবা’ প্রকল্পে মাত্র চার দিনে পঁচাত্তর লক্ষেরও বেশী লোক যোগদান করেছে এবং একে অভ্যাসে পরিণত করতে তিনি জোর দেন। প্রধানমন্ত্রী আরও বলেন, বিবিধের মধ্যে ঐক্য ভারতের বিশেষত্ব, এটা অনুধাবন করার জন্য তিনি সবাইকে ভারতের বিভিন্ন প্রান্তে ঘুরে বেড়ানোর পরামর্শ দেন। ‘মন কি বাত’ অনুষ্ঠানের তিন বছর পূর্তিতে প্রধানমন্ত্রী বলেন, এই অনুষ্ঠানের মধ্য দিয়ে তিনি জনগনের মতামত, অভিজ্ঞতা ও অনুভব জানার সুযোগ পেয়েছেন যা তাকে দেশ পরিচালনায় সহায়তা করেছে। ‘নবরাত্রি’ উপলক্ষে প্রধানমন্ত্রী দেশবাসীকে শুভেচ্ছা জানিয়েছেন।

00000000000

### **মেধা পুরস্কার - সাক্ষর :**

সাক্ষর মহকুমা প্রশাসনের উদ্যোগে গত-শনিবার ৩৩টি বিদ্যালয়ের পাঁচশ ৯২ জন তপশিলী উপজাতি ছাত্রছাত্রীকে মেধা পুরস্কার প্রদান করা হয়। এ উপলক্ষ্যে আয়োজিত অনুষ্ঠানে উপস্থিত ছিলেন বিধায়ক প্রভাত চৌধুরী, এডিসি সদস্য অরুণ ত্রিপুরা, মহকুমা শাসক বিপ্লব দাস। পৌরহিত্য করেন, দক্ষিণ জেলার জিলা পরিষদের সহকারী সভাপতি নরেশ পাটোয়ারী।

00000000000

### **এস এম কাপ :**

দিল্লীতে সুব্রত মুখার্জী কাপ ফুটবল প্রতিযোগিতা থেকে ত্রিপুরা স্পোর্টস সুলঙ্কবিদায় নিয়েছে। গতকাল আশ্বিনের স্টেডিয়ামে স্কুল পর্যায়ের আন্তর্জাতিক এই আসরের সেমিফাইনালে ত্রিপুরা স্পোর্টস সুলঙ্ক ৩-১ গোলে ঝাড়খন্ডের সেইল ফুটবল একাডেমীর কাছে হেরে যায়। খেলার প্রথমার্ধে ১১ গোলে ড্র ছিল।

00000000000

### আবহাওয়া:

আবহাওয়ার পূর্ব ভাসে জানানো হয়েছে আকাশ আংশিক থেকে সাধারণত: মেঘাচ্ছন্ন থাকবে। কিছু কিছু এলাকায় বিক্ষিপ্ত বৃষ্টিপাতের সম্ভাবনা রয়েছে। তাপমাত্রা সর্ব অধিক ৩৪ ডিগ্রী ও সর্ব নিম্ন ২৬ ডিগ্রী সেলসিয়াসের কাছাকাছি থাকবে। আজ সকালের সর্ব নিম্ন তাপমাত্রা ছিল ২৮ দশমিক ৮ ডিগ্রী সেলসিয়াস।

00000000000

00000000000